

## ДОГМАТИКИ ВОСЬМИ ГЛАСОВ

### Глас первый

Всемирную славу / от человек прозябшую / и Владыку рождшую, / небесную дверь, воспойм Марию Деву, / бесплотных песнь и верных удобрение; / Сия бо явися небо и храм Божества; / Сия преграждение вражды разрушивши, / мир введе и Царствие отверзе. / Сию убо имуще веры утверждение, / поборника имамы из Нея рождшагося Господа. / Дерзайте убо, дерзайте, людие Божии: / ибо Той победит враги, // яко всемогущ.

### Глас второй

Прейде сень законная, / благодати пришедши; / якоже бо купина не сгараше, опаляема, / тако Дева родила еси, / и дева пребыла еси. / Вместо столпа огненного / праведное возсия Солнце; / вместо Моисеа — Христос, // спасение душ наших.

### Глас третий

Како не дивимся / Богомужному рождеству Твоему, Пречестная? / Испытания бо мужескаго не приемши, Всенепорочная, / родила еси без отца Сына плотию, / прежде век от Отца рожденного без матери, / никакоже претерпевшего изменения или смешения, или разделения, / но обою существу свойство цело сохраняшаго. / Темже, Мати Дево Владычице, / Того моли спастися душам // православно Богородицу исповедующих Тя.

## Глас четвёртый

Иже Тебѣ ради богоотец пророк Давид / пѣсенно  
о Тебѣ провозгласи / величия Тебѣ Сотворшему: /  
предста Царица одесную Тебѣ. / Тя бо, Матерь,  
ходатаицу живота показá / без отца из Тебѣ вчело-  
вѣчится благоволивый Бог; / да Свой паки обно-  
вит образ, истлѣвший страстьми, / и заблуждшее  
горохщное обрет овча, / на рамо восприим, ко  
Отцу принесет, / и Своему хотению / с Небесными  
совокупит Силами, / и спасет, Богородице, мир //  
Христос, имеяй велию и богатую милость.

## Глас пятый

В Чермнем мори / Неискусобрачныя Невѣсты  
образ написáся иногда: / тамо Моисей — разделитель  
воды, / здѣ же Гавриил — служитель чудесе. /  
Тогда глубину шествова немокренно Израиль, /  
ныне же Христа роди безсеменно Дева. / Море по  
прошествии Израилеве пребысть непроходно, /  
Непорочная по рождестве Еммануилеве пребысть  
нетленна. / Сый и Прѣжде Сый, / явлейся яко  
человек, // Боже, помилуй нас.

## Глас шестый

Кто Тебѣ не ублажит, Пресвятая Дево? / Кто ли  
не воспоет Твоего пречистаго рождества? /  
Безлетно бо от Отца возсиявый Сын Единородный, /  
Тойже от Тебѣ чистыя пройде, / неизреченно  
воплощся; / естеством Бог сый, / и естеством быв  
человек нас ради, / не во двою лицу разделяемый, /  
но во двою естеству неслитно познаваемый. / Того  
моли, Чистая, Всеблаженная, // помилуватися ду-  
шам нашим.

## Глас седьмый

Мáти ўбо позна́лася еси́ / пáче естества́,  
Богорóдице, / пребыла́ же еси́ Дéва / пáче слова́ и  
ра́зума, / и чудесе́ рождества́ Твоего́ сказа́ти язы́к  
не мо́жет. / Пресла́вну бо сýщу зача́тию, Чы́стая, /  
непосты́жен е́сть о́браз рождéния: / иде́же бо хо́щет  
Бо́г, побежда́ется естества́ чин. / Тёмже Тя́ вси́  
Ма́терь Бо́жию ве́дуще, / мо́лим Ти́ ся́ приле́жно: //  
моли́ спасты́ся душа́м на́шим.

## Глас осмый

Ца́рь Небе́сный за человеколю́бие на земли́  
яв́ися / и с челове́ки поживе́; / от Дéвы бо чы́стыя  
плóть прие́мый / и из Нея́ проше́дый с  
восприя́тием, / еди́н е́сть Сын, сугу́б естество́м, /  
но не ипостáсию. / Тёмже соверше́нна Того́ Бо́га /  
и соверше́нна челове́ка вои́стинну пропове́дающе, /  
испове́дуем Христа́ Бо́га на́шего; / Егóже моли́,  
Ма́ти Безневéстная, / помы́ловатися душа́м на́шим.